



UNIVERSITÄTS-
BIBLIOTHEK
PADERBORN

**Selectae Christiani Orbis Deliciae ex Urbibus, Templis,
Bibliothecis, et aliunde**

Sweerts, Pierre François

Coloniae Agrippinae, M. DC. IIX.

Vratislaviana.

[urn:nbn:de:hbz:466:1-69234](https://nbn-resolving.org/urn:nbn:de:hbz:466:1-69234)

Nati tres, totidem perierunt funere nati;
 Matri iam super a plaudit in arte chorus.
 Tres genitrix natas, duo germina morte reliquit
 Mascula, spem generis, deliciasq; patris.
 Incolumem soboli pia longum Fata referuent,
 Patris & hic sero contegat ossa locus.
 Casarei secreta fori quod serinia possunt,
 Quod cor, consilijs sustinet ille suis.
 At vos STRVZIADES summo contendite nosse
 Ire pares, gestis vel super are patrem.
 Hoc Genitor gaudet, nam qui q; profundius anctus,
 Altius eximios quod videt ire suos.



VRATISLAVIANA.

ANNAE, ET ANNAE MARIAE FILIA-
 BVS DVLCISS.

VOs etiam ignotas mundo, sed sanguine multa
 Christi, commendat cura paterna pijs.
 Imperio mortis superato, vivite Christo,
 Et capite aeterna gaudia latitia.
 Me quoque, qui senio propior properantibus ad vos
 Cursibus aduento, suavulo excipite.
 Vivemus: spes hac iubet hinc discedere latos,
 Non meritur massa portio, Christe, tua.

IOHAN. CRATO VRATIS. IMPP. D. FER-
 DINANDI I. & D. MAXIMILIANI II. AVG.
 CAES. P. F. MEDICVS PHYSIC. D. MOB-
 STISS. P. AN. M. D. LXVII.

IOAN.

IOANNIS CRATONIS IMPP.
MEDICI.

*Cæsaribus vixi tribus intimus, arte medendi
Me Pater asciuit, Filius, atque Nepos.
Quem mihi iactato das portum, Christe, quietis,
Hunc teneo, iungas dum mea membra tibi.
Obijt ann. salut. M. D. XXXVI. ætat. LXVII.*

D. O. M. S.

MIRABILIS IN ALTIS DOMINVS.

*Collapsa est turris Siloë madefacta cruore,
Pyramide hac nostra, nemo, cadente, perit.
Nam iussu Domini exceptam (cui gloria soli)
Angelica molem deposuere manus.
Ambrosij Moibani D.*

MAGDALENÆ KROMAYRINÆ, VX-
ORIS BARTHOLOMAEI METELLI,
Episcopi Vratislaviensis Can-
cellarij.

*Magdalis hic somnum coniux tua carpo, Metelle,
Corpore: mens supera viuit in arce Deo.
Nos ibi lata dies longum coniunget in auum,
Et sine tristitia gaudia plena dabit,
Tempora cum mundi calo nos summa reducent,
O desiderio tempora tarda meo!
Interea vidui dum perfers tadia lecti,
Vt mihi cura tui, sit tibi cura mei.*

IN SAXO TVMVLI.

LXVI. ætatis annum agens obiit Saurus. Dimi-
dium autem, vel eo etiam minus, an vixerit, mor-
tuus

Z

tuus

titus etiamnum addubitat. M. D. XXXV. D. XXI.
Mens. Ianuar.

SVSANNÆ VOGTÆ FEMINÆ LE
CTISS. VXORIS IACOBI MONAVII.

*Hoc tibi verus amor, Coniux dilecta, sepulcrum
Consecrat, hoc veri pignus amoris habe.
Moribus & castam retulisti mente Susannam,
Ipsa SVSANNA Deo, & casta SVSANNA vita.
Ergo tibi pietas quodcunq; ex marmore struxit,
Promeruit pietas id tua sancta tibi.*

E P I T A Φ I O N

Filiolæ Dn. IACOBI MONAVII
Patric. Vratisl.

Ex nominis eiusdem Anagramma-
tismo depromptum.

MAGDALENA MONAVIA.

O ANIMA VALDE MAGNA!

*MAGDALIS hic iaceo magni vnica nata Monavi,
Surrectura bene hac, quæ bene condor, humo.
Paruula erã, in vitæ ancipites cum nasceret antro,
Paruula, mi donec vita manebat, eram.
Paruula eram, de me cum spes foret ampla parenti,
Paruula, cum raperet spem via mortis, eram.
At nunc cœlicolam magnæ ad sociata corona,
Postquam deposui stebile carnis onus,
Magna feror, magni magno sub numine IHOVÆ;
Magna super magnos orbe leuata polos.
Magna feror, capiti membrum insita nobile Christi,
Magna sub electis, angelicisq; chorus.*

O ANI-

O ANIMA! O VALDE MAGNA! *ô bene
paruula quondam!*

Paruula humi, celo magna; quid inde mali est?

S. GRVNAEVS Facieb.

CHRISTIANI MONAVII E. PRIMO-
GENITI EX SECUNDIS NVPTIIS
IACOBI MONAVII.

Hic CHRISTIANVS IACOBI MONAVIVS
Prolestenella dormio.

Mundi theatrum immundum vix tetigi: citò

Ingressus, egressus citò.

Dicanné, veni, vidi, vici ego puer?

Quid ni? triumpho in athere.

Natus x. Martij. Obijt XXI. Mart. ann. M. D. XC. I.

INSCRIPTIO MVSAEI MONA-
VIANI.

Domino Deo nostro IESV CHRISTO, vnico
regni sanctorum heredi: perenni vitæ fontis: trium-
phanti mortis victori; æterno beatarum anima-
rum hospiti, Sacr.

Summa in his terris tum sapientia, tum felicitas
est, posse quiescere, ac sua potius agere, & propria,
quam aliena. Deinde vtraque fortuna, & siue sit
agendum, siue patiendum, in DEVM potius, quam
in homines respicere, & ab eo solo pendere. Mor-
tem denique suam perpetuò sic meditari, vt pecca-
tum potius fugiatur, quam illa nimis metuatur.
Mundum præterea, quæque sunt illius, despiciere
simul, & odisse. De vita perpetua magis, quam de
hac fragili, & caduca sollicitum esse: Animæque
curam gerere maiorem, quam corporis, & ita sese
Z 3 compa-

comparare, ut anima prius læta lubensque hinc in
cælos euolare cupiat, quàm è tabernaculo suo euo-
cetur.

M. R. V.

Psalm. xc. Domine doce nos scire numerum
dierum nostrorum: ut ambulemus corde sapienter.

Θυμέ βλέπον ἄνω: χθονίων δὲ ὄπλιθ' ἄθεο πάντων.

IPSE FACIET.

IN AEDIBVS IOANNIS CRATO-
NIS MEDICI CAES.

*Tu quoque fac timeas, & qua tibi læta videntur,
Dum legis hæc fieri tristia posse, putes.*

SVRRA IANVAM CVBICVLI.

Optimo Maximo seruatori omnium, vni in Tri-
nitate Deo, IOAN. CRATO artis medicæ D. G.
suaque omnia pijs votis commendans S. M. D.
LXVII.

IN INFERIORI HYPOCAVSTO.

*Quid sis; quid fueris, quid eris, semper medi-
teris.*

IN MENSA, QVAM ACCEPIT
A CAESARE.

In hac mensa Diuus FERDINANDVS Imp.
Aug. P. F. pacificus, priusquam lethalis morbus
lecto opt. & beatiss. principem affligeret, multis
mensibus cibum sumpsit: Imper. verò Maximilia-
nus II. F. Aug. perp. cum in meditationibus saluta-
ribus versaretur, sua manu sententias plenas pie-
tatis & humanitatis inscripsit. Has posteris salu-
tari;

etres, CRATO sacratissimorum Imperatorum
Medicis, ne hanc tabulam, qua vfos, & sustentatos
diuinos Monarchas intelligant, tanquam vile li-
gnum haberent, studio ac diligentia sua conser-
uauit.

SALISBURGI.

IN NOSOCOMIO AD S. SEBA-
STIANVM.

Conditur hic PHILIPPVS THEOPHRA-
STVS insignis Medicinæ Doctor, qui dira
illa vulnera, Lepram, Podagram, Hydropi-
sim, aliaque insanabilia corporis contagia mirifi-
ca arte sustulit, ac bona sua in pauperes distribuenda
collocandaque honorauit. Anno M. D. XLI. D.
XXIV. Septemb. vitam cum morte mutauit.

Aurea pax viuis: requies aeterna sepulchris.

IN AMBITV BENEDICTORVM
APVD D. PETRVM.

Viator preces funde, KNOLLIVS hic ia-
cet.

Abi moriture.

D. O. M.

Clarissimo viro HIEREMIAE KNOLL. V. I.
nec non in clare Salisburgensis Prouinciæ Cancel-
lariatus officio functo; qui XVII. Octob. anno à
reparata salute M. D. XCIV. ætatis verò suæ LVII.
piè in Christo obiit, parenti suo HENRICVS
KNOLL. Fil. amoris & pietatis paternæ memor,
hoc monumentum pos. mœitissimus.

Z 4

IBI-